



Број/Број: 03/1-50-14-7-35-5/14
Сарајево/Sarajevo, 9. 4. 2014.

**PREDMET: Informacija o učešću članova Zajedničke komisije za odbranu i sigurnost
BiH na 85. Rose Roth seminaru, Sarajevo 18-20.3.2014.**

Članovi Zajedničke komisije za odbranu i sigurnost BiH u periodu od 18-20.3. 2014. učestvovali su na 85. Rose Roth seminaru u organizaciji Parlamentarne skupštine NATO i Parlamentarne skupštine BiH.

Delegaciju Zajedničke komisije su činili Dušanka Majkić, predsjedavajuća, Borjana Krišto, prva zamjenica predsjedavajuće, Šefik Džaferović, drugi zamjenik predsjedavajuće, Beriz Belkić, član Zajedničke komisije, Ljiljana Milićević- sekretar, i Željko Grubešić, stručni savjetnik.

85. Rose – Roth seminar je održan s ciljem promovisanja jačanje sigurnosti, političke i ekonomske stabilnosti i reformi u zemljama jugoistočne Evrope na njihovom putu ka evropskim i euroatlantskim integracijama.

Trodnevnom skupu, čija je osnovna tema „Sigurnost i demokratizacija u jugoistočnoj Evropi: jačanje stabilnosti, promovisanje reformi“, prisustvovalo je više od stotinu parlamentaraca iz zemalja članica i pridruženih članica NATO-a, zemalja jugoistočne Evrope koje nisu članice NATO-a, predstavnici najviših institucija BiH, nevladinog sektora iz BiH i zemalja regiona, kao i jedan broj afirmisanih stručnjaka iz oblasti odbrane i sigurnosti iz BiH i zemalja regiona.

Skup je, u svojstvu domaćina i predsjedavajućeg uvodne sesije, otvorio šef delegacije PSBiH u Parlamentarnoj skupštini NATO-a Božo Ljubić, a učesnicima i gostima ovog skupa obratio se i predsjedavajući Predstavničkog doma PSBiH Milorad Živković.

Tokom uvodne sesije svoje viđenje političke i sigurnosne situacije u BiH i zemljama regiona iznio je Julio Miranda Calha, bivši potpredsjednik Parlamentarne skupštine NATO-a i specijalni izvjestilac Komiteta za odbranu i sigurnost Parlamentarne skupštine NATO-a, koji je naglasio da su vrata NATO-a i EU otvorena za sve zemlje jugoistočne Evrope, pod uslovom da izgrade stabilne, funkcionalne i demokratske institucije, da imaju stabilne odnose sa susjedima i da ispune uslove koje propisuju NATO i EU.

U svojstvu predsjednika Parlamentarne skupštine OSCE-a učesnicima Rose – Roth seminara obratio se i predsjednik Skupštine Crne Gore Ranko Krivokapić, koji je pozvao zemlje regiona da sarađuju u provođenju reformi i ujedine se u borbi protiv kriminala i korupcije.

Tokom uvodne sesije svoje izlaganje u svojstvu eksperta imao je i bivši visoki predstavnik međunarodne zajednice u BiH Padi Ešdaun.

Seminar je inače bio podijeljen u pet sesija. Prvog dana seminara se raspravljalo o šansama za proširenje EU i NATO-a u jugoistočnoj Evropi. Drugog dana seminara, tokom druge i treće sesije, raspravljalo se o trenutnoj političkoj situaciji u BiH i o sigurnosnoj saradnji u jugoistočnoj Evropi. Trećeg dana seminara, 20. marta, bilo je riječi o reformi sektora odbrane i izgradnji integriteta u BiH, dok je posljednja sesija bila posvećena temi „Kosovo i Srbija – trenutna politička situacija i kako dalje“.

Predsjedavajuća Zajedničke komisije

Dušanka Majkić

-